

Zb
3336





EPITHALAMIA IN HONOREM
NUPTIARUM

Zb
3336

Præstantiss. & Integerrimi Viri Juvenis

Dn. JOACHIMI GERSTENBERCK
BÜDSTADIENSIS,
SPONSI,

Cum lectissima & pudicissima Virgine,

VERONICA,

Clarissimi & Consultissimi Viri,

Dn. Iohannis Martini, Illu-
strissimi Principis Friderici V Vilhelmi, p.m.
Ducis Saxonæ, &c. olim Consilarii intimi,
Filia Spoufa,

15. Novemb. A. 1613. celebratarum,

Scripta à Fautoribus & Amicis.

1918 P 127

J E N Æ

LITERIS WEIDNERIANIS.



DA. JOACHIM
MI GERSTENBERG
BIBLIOTHECA
VERONICA





Humani generis sator salusq̄,
 Huc adsis Hymenæe dexter adsis,
 Huic omnes juvenesq̄, virginesq̄,
 Laudes dicite consonis labellis.
 Votivasq̄ Deo preces potenti
 Puro fundite corde supplicantes,
 Ut nuptæ facilis novæ viroq̄
 Vita tempora præbeat secunda.
 Humani generis sator salusq̄,
 Huc pulcherrimus omnium Deorum,
 Idem maximus es sacerrimusq̄,
 Tu cæli residens in arce summa,
 Saturno prior omnibusq̄ divis,
 Gaudenti face nuptialis ignis
 Ipsi cælicolas polo parasti.
 Humani generis sator salusq̄,
 Huc pennis roseis volans jacentis
 Telluris petis arva dexter, adsis,
 At totum volitans vagaris orbem:
 Armatus face dexteram jugali,

Et

Et tecum Charites simulq̄ Venusq̄
Risus, lætitiæ, joci, lepores.
Humani generis sator salusq̄,
Te parvi pueri puellulaq̄
Lætis vocibus accinunt vocantq̄
Te propter juvenes nurusq̄ lætas
Festis cantibus innovant choreas.
Incumbunt epulis socrus patresq̄,
Atque omnis tibi gratulatur ætas.
Humani generis sator, salusq̄,
Tu sanctissimus igne nuptiali,
Humanum socias genus, ligasq̄,
Tu das omnia sanguinis propinquis,
Per te conjuge læta degit uxor,
Tu Matrem facis & facis Parentem,
Per te filia dicitur neposq̄.
Humani generis sator, salusq̄,
Mortalis sine te brevi propago
Læto deficeret furente tota.
Te cultoribus absque civitates
Præberent vacuæ feris cubile,
Squalerent fruticosa vere in ipso
Duris sentibus arva vepribusq̄.

Huma-

Humani generis sator, salusq;
 At te preside latus omnis orbis
 Felici fruitur pereune risu.
 Et nos ergò alacri benignitate,
 Has festas tibi ludimus choreas.
 Uno pectore & ore supplicantes,
 Ut salvos facias tuos precamur.
 Humani generis sator, salusq;
 Huc adsis Hymenæe dexter adsis.

Salomon Kiesel.



Ioachimus & Veronica.

Αναρχαμμ.

I. hic nova Musica ore.

Musica ceu solita est disjunctas jungere voces:
 Eꝓ illis pariter promere dulce melos.

Sic cum pectore Amor disjunctos jungit amantes,
 Et duplici suavem reddit ab ore sonum.

Quid sit amor si nunc igitur rogitare laboras;

Imodò; & HIC NOV A ERIT MUSICA IN ORE duum. Si

*Si petis exemplum? Joachimus id ecce reponit;
 Dum cum Veronica vincula amoris amat.
 Ille suum jungit Sponse cum pectore pectus
 Sponsus, ut appositis oribus ora canant
 Ora canant igitur duo; donec tertium amorem
 Os firmet, Sponsis perpetuumq; probet.
 Et tandem harmoniam tribus de vocibus unam
 Cernet amor, juncta & cum triade ipsa Charis,*

M. Iohannes Georgius
 Zeidler, Chemn. Misn.



OMNE, ferunt, TRINUM PERFECTUM, arridet id-
 Et mihi, si veteri dicto adhibenda fides. (ipsum,
 PRIMUM jam ante dedi Sponsalibus, modo SECUNDUM,
 TERTIUM ut elicias fac quoque SPONSE, metrum.
 Quomodo forte rogas, aurem mihi porrige, dicam,
 At non convivis, sed tibi dicta sient.
 Cum tua, SPONSE, tuum scandit VERONICA lectum,
 Brachiolisq; suis jam tua colla tenet:
 Rursus eam licitis amplexibus excipe, & illa
 Fac juvenem, fac te sentiat esse virum.
 Junge latus lateri, tua junge labella labellis,
 Cetera non opus est te docuisse, tenes.
 Matribus hinc sient convivia garrula, versis
 Huc ubi jam novies luna recuret equis.
 Tunc, JOACHIME, tui (modò sit mihi vita superstes)
 Filioli ad cunas tertia metra canam,
 Versibus & faciam theca è meliore petitis,
 Perspicias animi ut candida signa mei.

Iute-

264.

*Interea hoc, JOACHIME, boni brevis consule carmen,
Quod tibi, quod Sponsæ scribere jussit AMOR.
Perlege metra, tuæ datæternæq; basia SPONSÆ,
TRINUM PERFECTUM sic erit OMNE. Vale.*

Ad Eundem.

*Carmen ego tibi do, bis sex tuus ille medimnos
Dat mihi frumenti præmia grata Parens,
Posthac plura dabo tibi, SPONSE, tuoq; Parenti,
Pluris non vendi carmina posse reor.
Si mihi tot modij pro carmine quoq; darentur,
Venderet an Romam PAPA rogare velim.
Gratus ago grates, Patriq; tibiq; medimnos
Det totidem, mihi sunt quot data grana, DEUS,
Quot data grana mihi, totidem det, SPONSE, Parenti,
Det totidemq; tibi vivere secla. VALE.*

Iohannes Weber, Scho-
læ Vinariensis Collega.



*Dum friget celsum brumali sidere cælum,
Et Boreas tristem spargit ab axe nivem.
Ecce tibi JOACHIME cupis conjungere Sponsam,
Quæ tibi vult pectus corde fovere suo.
Scilicet ut durum pellas de corpore frigus,
Atque tua haud habeas mente timere nivem.
Gratulor hinc igitur letus tibi, teq; beatum,
Esse precor toto pectore, mente, animo.*

Michael Heckelbach Jenensis.
Dulce



Dulce sit auspiciū, felix medium, ultima fausta,
Conjugij tria sunt quæ piè utrinque precor.

Iacobus Gerstenbergk,
Sponsi Frater.



O Minibus sacra hæc per agentur ut omnia faustis,
Ardeat & Sponse, Sponsus amore sua;
Et sit conjugium fœlix, sinz fœdera tædæ,
Ac pariat thalamus gaudia multa novus,
Et nova nupta sui Sponsi quoque flagret amore,
Ez cedant Sponsis ut benè cuncta precor.

Quirinus Kubach,
Roslaviensis.

F I N I S.



Pom. Z 6 3336.

QK.



ULB Halle

3

001 949 756





EPITHALAMIA IN
NUPTIARUM

Præstantiss. & Integerrimi

Dn. JOAC

MI GERSTEN

BÜDSTADIE
SPONSI,

Cum lectissima & pudicissima

VERONIC

Clarissimi & Consultissimi

Dn. Iohannis Mar

strissimi Principis Friderici V

Ducis Saxonæ, &c. olim Conf
Filia Spoufa,

15. Novemb. A. 1613. celeb

Scripta à Fautoribus &

1918 P 127

J E N A

LITERIS WEIDNE

